

人物(方技)

續遠通志稿卷九十六 第二〇冊

綏遠通志稿卷九十六

人物(方技)

自范曄後漢書為方術立傳後世史家遂踵而效之如魏書有
術藝晉隋二書及北史有藝術唐劉子玄雖深譏范氏之作備
然唐以後諸史家非特不能矯范書之失而接武繼軌且有變
本加厲之勢若新舊唐書及宋遼金元明諸史仍均有方技之
目凡醫卜星相堪輿禁咒之流皆載之正史且如此於方志又
何譏焉是以明清以來修地方志乘者率皆沿其流而揚其波
蓋約定俗成雖有識者終莫能自外也本篇所錄以方藥技擊
二者為限方藥以濟人技擊以自衛習之能精皆可以保生命
而利家邦得不謂之仁術乎是本篇之標目雖同於前史而記
事之取材固自有其斷制也

↑清

貴清字錦章。綏遠城滿洲正黃旗人。其先世有功於朝。賜牧
廠於豐寧兩廳清常往來其間。得與當地士大夫相稔。悉少
慧。嗜學博覽群書。尤精研醫術。覃志凝神。折衷諸家。能探其
奧。惟虛衷斂抑。不敢問世。光緒中。牧廠開放。始移家於豐人。
漸知其長。於醫踵門求診者日衆。清無問貧富貴賤。悉予款
接。雖嚴冬溽暑。皆為之盡心。診斷凡有施治。著手成春。而寸
縷卮酒無所取其存心利濟如此。崞陽陳啟新旅行豐鎮。突
患幽癰。脅前腫如盃。醫家誤割之。痛澈心髓。血殷牀席。氣息
僅屬。延清診治。不匝月而愈。語云。良醫能起死回生。殆謂是
歟。

孫昌壽。寧遠廳人。居溝頭元山子村。家世不詳。以醫名於時。

其療疾不盡合於方書亦不限於藥材往往診察之後隨意
掇取微物無不奏效人莫知其學之由來或傳其有道術揆
其行跡亦多近是居家養靜從不出診病家使人至詢悉病
狀近至本村遠或百數十里即能斷其病之輕重可治則為
處方否則託詞辭之朱海村安秉溫卧疾遣人求治曰養之
可矣毋以藥為越日復往則微哂曰汝速歸無待治矣行至
半途與訃告者遇則秉溫死已半日其他事多類此四方乞
治者門限為穿但經處方殆無不愈行道二十餘年綏東一
帶有神醫之目年六十無疾而卒臨終沐浴正衣冠集家人
處分後事已端坐而逝亦異人也其治小產方用本產婦繫
腿帶二三寸繫蘸車軸油葫蘆之繩寸餘二物愈陳愈妙燒
灰存性米湯調服神效其方奇詭此其一耳

蕭玉龍薩拉齊人清末名醫尤精外科癰疽大證經其治療輒愈鄉人某腹際突生一瘤大如胡桃腫痛異常乞其診治玉龍詫曰此陰疾也鄉人驚異備述其由蓋某納一妾妻恚忿而死一夕夢妻怒曰我死汝等偏享安樂耶乃以指點其腹而去醒而點處紅腫漸大成瘤痛不可忍故乞治也玉龍予藥一貼敷患處堅嚼患雖劇痛切勿揭視否則不可治天將暮病者呻楚欲絕玉龍至啟視患處曰可矣乃出小刀鉤各一割其瘤鉤出一物其形如魚口眼悉具而無鱗用藥塗傷口數日而愈其所治奇證甚多惜未能盡詳耳乃知華佗別傳言割瘡出蛇之事固當有之非故神其說也

趙老同山東人清咸同間游塞外久居薩拉齊精武術尤擅長陰手槍法一名纏槍法彼時國內稱為獨傳綏人得受此

槍法實自老同始。其弟子著名者有尤四喇嘛、霍懋、關興保三人。而尤四喇嘛功力最深。尤延趙居其家，優禮備至。趙則使尤專練二架托竿，蹲身寂無少動。數月請益曰：「未也。」年餘復請益曰：「吾姑試汝。」乃駢二指擊竿梢，竿即脫手。尤自是益奮發，朝夕苦練。如是者又二年。趙知其功熟，喜曰：「此可以授槍法矣。」既而老同病不起，乃於枕上以箸示式，為之講解。奧秘遂盡其傳焉。世謂尤善大竿，霍善刀法，關善花槍。蓋各極一藝之精也。尤用大竿獨步一時，刺人皮肉筋骨，深淺輕重，惟意所向，不差毫髮。釘紙百張於壁上，運竿點之，口呼取幾張，皆應聲如數著竿而下。其準確如此。霍懋嘗與衆約，使各用棉麻縛槍端，蘸以煤汁，數十人分列道旁。懋掄刀躍馬從中過，衆皆持槍攢刺。而人馬不受點污。南史言王宜興運刀

酒水不入。此亦近之矣。闕興保為滿泰之祖姑夫。泰弱冠時。曾往省視。闕曰：聞孫學藝大進，未審人言確否。今日可一試也。時闕年近八十，泰憐其老，欲微戲以慰之，不意一交手而槍已被纏，力抽不能出，急撒手躍避，而手口已點傷，血涔涔矣。老輩造詣精深，有非後學所可想象者。泰後每為僚友言之。

董海川原籍直隸文安。光緒初年出塞外，為某公府經營墾地，遂居綏東二道河子。暇輒教授生徒，習拳術。托城吳英往

經有此拳法。

師事之，傳其八卦拳法。自海川始也。海川幼習少林派羅漢拳，後避難山中，精思熟練，自悟八卦拳法。後入京為肅王護宅授徒。此拳因以流傳。同光間京中受其傳者頗多，風行一時，名亦大著。吳英初從山東孫老學太祖拳，嗣受八卦轉授。

於鄉人。白福蘇爾慶皆其入室弟子。云海川在綏人通稱董
老公。或言其幼年行為不檢。師欲置之死。惜其才勇。闔之後
遂以是名。實未嘗給事宮內也。
吳英。托克托。廳農家子。清同治初。從山東德州人孫老學大
竿槍。并太祖拳。十二年得董海川八卦走法。技益精。光緒二
十二年春。入京師。為英誠公府護宅。有功。公府賞五品翎頂。
以寵異之。二十四年。復遊京師。馬某求與較技。英在牛街禮
拜寺樓上。摔馬於馬路。二十六年。義和團起。托城奸民附之。
橫行鄉里。富戶輒被誣為天主教民。戕其命。取其財物以去。
六月下旬。拳匪三百人偕盜二百餘。縛教民七人。載其財貨。
自和林鐵彈溝。趨托屬臭水圪洞村。將攻殺富戶。楊起皋英
聞而憤。與弟耀約同學鄒升堂。門人陶大利等八人。乘夜襲

擊盜匪紛潰。奪被縛者盡釋之。楊氏一門得免於難。聞者義
之。宣統三年冬。民軍返晉。經托城。時英為商團團長。或傳英
使人馳報軍訊於將軍署。被收。遂及於難。年五十九。其徒楊
榮、張文明等數十人為葬於托城西郊。弟耀技藝與兄相埒。
薩歸從學者甚衆。得其傳者有宋標、楊榮、高泰誠、南子義、傅
士魁、麻勳、吳桐、白永旺、周海亮。民國十七年。宋標以武術應
試南京大掠中優獎。

郭三薩拉齊人。天性英邁。狀貌魁梧。慷爽好義。遇事敢為。精
技擊。尤長陰手槍法。與本邑武廟僧海壇同師。同光間。本邑
富商劉定邦與武術家邸五及三友善。通財若兄弟。光緒三
年。定邦以操縱金融獲罪。流徙甘肅之山丹縣。五掉頭不一
顧。三毅然偕往。侍左右。不去。比當徙。三代之入獄。三年未滿。

期越獄歸。匿弗出。遇赦乃免。初河西張儒購地商田數頃。已給值未及。經營地商又取值售於三。而三不知其給也。儒恨之日。思殺三奪地。會三偕工往視田。晚宿田廬中。儒中夜以壯丁五十人持械襲之。三持銃衝牖出。敵械交下。疾如風雨。三擊殺一人。脫圍去。其材勇足以辟易千人。己卒年七十歲。雲連陞其高第也。

王玉璽。托克托廳人家。綦貧。年二十從山東張鎖免。及德州孫老習技擊。能超越澗溝。相距二丈一躍而過。材武勇力。辟易百人。初為本廳捕盜營馬弁。清光緒十二年。馬廠牧豎張廷烏圪旦夥劫殺人。逃河西。匿府谷山中。通判懸重賞緝捕。群以廷矯捷健鬪。無敢應者。玉璽慨然應募。偕回民馬潤福往蹤跡之。得廷等於深澗中。并就縛以歸。通判列狀上聞。明

年補豐鎮把總。玉璽服官，能勤厥職。嫻弓馬，嚴斥堠，聲威遠播。盜匪屏跡。宣統初卒於官，年六十餘。

↑民國

李即陞薩縣沙爾沁村人，原籍山西定襄。即所謂李先生者也。其父早教讀於此邦，遂家焉。故人以是稱之。診疾善察形色，探知病原，尤精婦科。性疏脫，玩世不恭，設藥肆於村求診者踵相接。著手輒瘥，以是名滿薩。包喜交貧賤，而傲富貴。視勢豪夷然不屑也。人亦以此重之。鄉人有道其軼事者云：民國二年，駐包某軍長官患瘡毒，中西醫士皆術窮，危在旦夕矣。或以小李先生告者，小校來邀，被叱去。繼挽人達意曰：必邀我，須以轎往還。我所施治，病家不容置喙。悉允之。既至，檢視患處，曰：此易事，數日可平復。退囑差弁，明日我欲馳馬。

早備以待。屆時出藥末一裹，使服之。且曰：服後必須勞動。病者失眠已數日，困憊甚，辭弗聽，強扶馬上，鞭之疾馳。往復約三十里，病者汗透重衣，氣息僅屬，乃止歸，使靜卧。甫就枕，已沉沉入睡。比醒，痛楚若失，復投湯劑，餘腫盡消。鄰村區長某恒恃勢，挫辱居民。其母病，知其不慊於己，慮難延致，及病垂危，羣醫推謝以去。乃託所厚往，見曰：去則以輜，且須其子親任其勞。為母病而服役，當不以為辱。否則不孝子耳。吾不願受其邀也。區長乃躬自舁輜，以請。既至，一藥而蘇，再藥而愈。蓋藉此以挫折之也。然在肆中野老田夫，庸集求診，索藥至為和易，資之有無多寡，畧不與較。病愈或以蔬果米豆之類為謝，欣然受之。嘗自達旗診病歸，將抵本村，遇當行經理郭某於道左，召至車側，注目審視，問曰：無恙乎？曰：無。至家，召郭

子至問曰為爾父備棺木斂具乎。曰父無恙何預凶為。李趣之速備勿誤。未幾郭果病發不起。其色診靈應。往往如此。年六十三卒。薩包一帶識與不識無不悼惜云。

王恪。三山西五台縣人。自清光緒中來。綏居武川之旗下營村。墾田之暇。兼及醫事。其家三世皆精岐黃之術。世傳乃莘先生。即恪三之祖父。徐松龕之妹婿也。恪三家學淵源於婦科。寢饋尤深。善治鬱證。近年小住綏垣。官紳商學各界群以婦科專家推重。多年鬱積大證。經其治愈者。不下一二十人。處方善入。大黃變化無方。神明其用。其得力處頗主易大艮之學說。嘗謂女子多憂鬱。久而無形。成有形。遂生積滯。必求暢通。疾乃可已。歿後人或收集其方。遇病服之。亦多不效。蓋病家氣體異。人事異。藥之增損量之加減。其道甚微。未易以

一端拘也。民國二十二年卒，年六十餘。同時東鄉有安兆麒者，為傷寒名家，嘗病前人診法冗雜，乃悉心抉剔，本其經驗，著有四診挈要。又謂陽主生，陰主殺，今世習用六八味丸，皆偏於扶陰，服者不慎，易致痰壅，故主扶陽抑陰之旨。著醫學瑣言，理論精確，頗能發前人所未發，其切脈準確，尤為時醫所推服云。

單素倫，喇嘛原為伊盟人，後住東公旗之呼特拉阿毛爾。計古勒沁召善鍼法，有茂明安旗婦人雙目失明，醫治罔效，求

其鍼治，並許酬金五十兩。經鍼砭之下，目忽大明。婦惜財，背約，詭言未愈，乃復砭一鍼，又轉黑暗。其術之神妙如此。又嘗化緣於錫林郭勒盟境，某家亡一少女，將棄尸於野途中，遺有血跡，單注視血點，即言未死，血中尚有生氣，施以鍼術，霍

一端拘也。民國二十二年卒年六十餘。同時東鄉有安兆麒者為傷寒名家。嘗病前人診法冗雜。乃悉心抉剔。本其經驗。著有四診挈要。又謂陽主生。陰主殺。今世習用六八味丸。皆偏於扶陰。服者不慎。易致痰壅。故主扶陽抑陰之旨。著醫學瑣言。理論精確。頗能發前人所未發。其切脈準確。尤為時醫所推服云。

單素倫喇嘛原為伊盟人。後住東公旗之呼特拉阿毛爾。計古勒沁。召善鍼法。有茂明安旗婦人。雙目失明。醫治罔效。求其鍼治。並許酬金五十兩。經鍼砭之下。目忽大明。婦惜財背約。詭言未愈。乃復砭一鍼。又轉黑暗。其術之神妙如此。又嘗化緣於錫林郭勒盟境。某家亡一少女。將棄尸於野途中。遺有血跡。單注視血點。即言未死。血中尚有生氣。施以鍼術。霍

擲八法耳。又謂六合大槍之四法曰：礮、挑、批、撥、棍法。莫如陝

西腿法。莫如山西槍法。莫如山東。

盧峻亭字耀峯，包頭人。天姿英爽，好馳馬技擊。幼年學先天八卦，出白溝河。楊廷選之門，并得其換手刀法。嘗與山西李德懋校藝，亟稱其妙。年二十，投效行伍。光緒二十五年，晉撫胡聘之閱兵口外，盧演刀槍用八卦法，大蒙嘉賞，予五品頂戴。二十七年，大同總鎮劉光才以峻亭材勇，保升把總。後從統領譚湧發巡防口外，由哨長積功至千總。宣統三年夏，入革命同盟會。九月，歸綏巡防吳吉昌部潰擾山後，峻亭奉令收編吳部郝樹屏營，就撫而山後始告安輯焉。民國元年，充山西經武社教習。時五原強家油房哥老會聚衆五六百人，擾掠鄉邑。峻亭迫而解散之。二年，隨晉軍防邊有功，授上校。

自十五年後。歷軍職至第一師旅長。側身行伍前後二十餘年。軍事餘暇。輒為官兵指導。武術不惜口講。而指畫之。故凡隸其部者。莫不精擊刺。騰躍之法焉。

雲連陞。土默特旗人。世業農家。饒於貲。好讀書。精醫理。生平喜武術。嘗漫遊各地。隨在求名師而習之。以故財日散。家日落。絕無悔意。初學楊家槍。八卦變手法。於托城吳英學。手搏於同邑趙玉珂。學纏槍術。於同邑郭玉山。學砲捶。於保定楊一善。學八卦槍法。於金山高僧了通。刻苦研窮。數十年如一。日內外功兼營。并進尤精者。為陰手槍法。與八卦劍法。劍極短。兵長用之妙。槍極長。兵短用之妙。不動如山。動如雷電。蜚聲於大江南北。遠近從學者。道相屬。今充本省國術館及第一中學教員。

程全忠字肖賢薩拉齊人年十四從山西平陽姚錦白學禪
腿術又學綿掌於文水李亮白均能盡其技時保定楊一善
恒舞雙鐵錘重十數觔旅綏甚久全忠從之遊得其砲捶法
復師事同邑郭玉山得其纏槍法前後致力二十餘年生平
篤信佛理守戒律絕葷酒堅保童貞終身不娶外功既精刻
苦內修昕夕冥坐以求精進歷任蘇寨溝民團國術教員山
西陸軍第五師國術教練官省國術館教員

